

Angajoqqaanut paasissutissiissut

Illummoorneq

Illummoornermik nappaateqartoqarsimammat Ilitsersuut atuaruk meeqqallu illummoornermut ersiuteqarpat sulisut tamatuminnga ilisimatikkit.

Meeqqat nappaataat tappiorannartumik bakterissamik patsiseqarpoq. Immikkuullarissumik illummoorluni quersortarneq nappaatip ilisarnaatigaa.

Meeqqat tamangajammik illummoornermut akiuussutissinneqarsimagaluit akiuussutissap tamakkiisumik illersuutaannginnera pissutigalugu nappaat ilaanneeriarluni takkuttarpoq. Illummoorneq meeraaqqani peruluutaasinnaavoq. Illummoornermut akiuussutissiisarneq meeqqanik akiuussutissiisarnermi maleruagassanut ilaavoq.

Tunillatsinneq

Nappaat qisikkut assaat atortulluunniit aqputigalugit imal. quersornikkut silaannarmut serpalinnernit najuussanit tunillaattarpoq. Nuannerup nalaani tunillatsissinnaaneq qaninneruvoq. Illummoorluni quersulernermi tunillaasinnaaneq annikilliarortarpoq napparsimalernermiillu sap. ak. arfinillit qaangiunnerini tunillaassinnaajunnaartarluni. Tunillatsissimasinnaanerup nalaani meeqqat napparsimangikkaluarlutik tunillaasinnaasarput. Ulluunerani paaqqinnittarfimmi illummoortoqarpat angajoqqaat meeqqamik napparsimangikkaluarlutik tunillaasinnaanerat taamaasillutillu qatanngutiminnik naalungiarsunnik sulit akiuussutissinneqanngitsunik tunillaasinnaanerat mianersuutigisariaqarpat. Taamaattoqartillugu nappaatip naalungiarsunnit peruluutaasinnaanera pissutigalugu siunnersorneqarnissarluni siunertaralugu, peqqinnissaqarfimmut attaveqarnissaq pissusissamisoortuussaaq.

Pitsaaliuineq

Nappatsaaliineq pitsaanerpaaq tassaavoq akiuussutissinneqarneq.

Nappaammut ersiutit

Tunillatsinnermiit napparsimalernissap tungaanut sivilissusaa: Ullut 7-10.

Nappaat nalinginnaasumik sorlunnik milinngatsilluni panertumillu tassanngaanaq takkuteqattaartumik quersuleraluttuinnarnermik ilaqartillugu nuffaserneramik aallarniuteqartarpoq. Sapaatip akunnerisa ataatsimiit marluk qaangiunnerini illummoortoqalersarpoq. Illummoornermi malittuinnarmik quersortoqalersarpoq meeqqallu anersaarsinnaajunnaarluni kiinaa tungujorujulluni aappillersarpoq. Tamatuma kingorna illummut nipilimmik anerterilersarpoq (illummoorneq). Taama pisoqarnerani nuak kinertoq piiarneqartarpoq meriartoqarsinnaasarporlu. Illummoornerit tullerriaaginnaleraangata meeraq qasutalluinnartarpoq.

Sap. ak. marlunniit sisamat qaangiunnerini illummoorneq qaangiukkertulersarpoq sap. ak. arfinilinniit arfineq pingasut qaangiunnerini qaangiukkajulluni, tamatumali kingorna sulit quersortoqarsinnaasarpoq. Meeraaqqani akiuussutissinneqanngitsuni anersaartorniarnermut

Nunatsinni Nakorsaaneqarfik

ilungersunaatilimmik peruluutaasinnaammat, napparsimavimmut unitsitaaneq pisariaqalersinnaavoq.

Nakorsartinneq

Illummoorneq amerlanertigut nakorsartariaaneq ajorpoq. Napparsimanerli tunillaasinnaanerlu antibiotikanik sivikillisarneqarsinnaavoq.

Taama nappaateqartoqartillugu maleruagassat

Illummoortoqarnerani iliuuseqartoqarnissaa Nunatsinni Nakorsaaneqarfiup akisussaaffigaa.

Meeqquerivimmukaqqinnissaq

Meeqqat illummoornermik peruluutigingisaminnik nappaatillit, tunillaasinnaanerup nalaani meeqqerivimmukarsinnaallutillu atuariatorsinnaapput. Meeqqat amerlanersaasa akiuussutissinneqarsimanagerat tamatumunnga patsisaavoq.

Meeqqalli illummoornermut atatillugu anerkilliutillit meriartartulluunniit angerlarsimaannassapput. Illummoornerit tullerriaaginnarpata meeqqap immikkut paaqqutarineqarnissaa pisariaqarpoq.